



Broj predmeta: 13-002441/23
Broj akta: 02-1533ST-0001/23
Datum, 2.10.2023. godine
Mjesto, Brčko
Interni broj:1403/23

POZIV MJESNIM ZAJEDNICAMA ZA UČEŠĆE U IMPLEMENTACIJI PROJEKATA I PROJEKTNIH AKTIVNOSTI PREDVIĐENIH OPERATIVNIM PLANOM ZA LOKALIZACIJU VIZIJE MJESNIH ZAJEDNICA BRČKO DISTRIKTA BiH

1. Uvod

Poziv mjesnim zajednicama za učešće u implementaciji projekata i projektnih aktivnosti predviđenih Operativnim planom za lokalizaciju vizije mjesnih zajednica Brčko distrikta BiH je jedna od aktivnosti u okviru druge faze projekta „Jačanje uloge mjesnih zajednica u Bosni i Hercegovini (BiH)“ koju provodi UNDP u Bosni i Hercegovini, a finansiraju je Vlada Švicarske i Švedska i potpisanog Sporazuma o saradnji Brčko distrikta Bosne i Hercegovine i UNDP-a BiH za implementaciju aktivnosti u sklopu projekta „Jačanje uloge mjesnih zajednica u Bosni i Hercegovini (BiH)“. Brčko distriktu Bosne i Hercegovine odobren je projekat za finansiranje Operativnog/Akcionog plana za lokalizaciju vizije mjesnih zajednica Brčko distrikta BiH u okviru Direktnog poziva projekta „Jačanje uloge mjesnih zajednica u Bosni i Hercegovini (BiH)“ – MZ projekat.

Opći cilj odobrenog projekta je unapređenje kvaliteta života građana i građanki putem osnaženih, rodno odgovornih mjesnih zajednica koje olakšavaju njihovo aktivno uključivanje u javni život i doprinose demokratskoj transformaciji na lokalnom nivou.

2. Cilj poziva

Cilj ovog poziva jeste podrška u implementaciji projektnih aktivnosti predviđenih Operativnim planom za lokalizaciju vizije mjesnih zajednica Brčko distrikta BiH i pružanje pomoći za praktično provođenje aktivnosti u 5 (pet) mjesnih zajednica definisanih Operativnim planom za lokalizaciju vizije mjesnih zajednica Brčko distrikta BiH i odobrenim projektom za finansiranje Operativnog/Akcionog plana i to:

1. Mjesna zajednica „Ilička“ Brčko distrikt BiH,
2. Mjesna zajednica „Dizdaruša“ Brčko distrikt BiH,
3. Mjesna zajednica „Dubrave“ Brčko distrikt BiH,
4. Mjesna zajednica „Palanka“ Brčko distrikt BiH i
5. Mjesna zajednica „Grčica“ Brčko distrikt BiH.

U skladu s tim, poziv ima za cilj osnaživanje urbanih i ruralnih mjesnih zajednica na području Brčko distrikta BiH, informatičke obuke u mjesnim zajednicama, održavanje edukacija, razvoj volonterizma, podizanje javne svijesti o važnosti i značaju zaštite životne sredine, jačanje kohezije mjesnih zajednica u Brčko distriktu BiH kroz edukacije i obuke, razmjene iskustava u mjesnim zajednicama.

Predložene aktivnosti su ravnomjerno zastupljene u sva četiri glavna područja, odnosno funkcionalne oblasti lokalizovane vizije MZ. Radi se o sljedećim funkcionalnim oblastima:

- Mjesna zajednica kao prostor za zagovaranje i pristup upravi;
- Mjesna zajednica kao mjesto za pružanje usluga stanovništvu;
- Mjesna zajednica kao prostor za učešće građana u odlučivanju;
- Mjesna zajednica kao društveni centar.

Brčko distrikt BiH će pružiti podršku u realizaciji projektnih aktivnosti koji su u skladu sa zadatim kriterijima i uklapaju se u raspoloživa sredstva namijenjena za navedene mjesne zajednice u sklopu projekta za finansiranje Operativnog/Akcionog plana.

3. Finansijska vrijednost projekta

Da bi se projektna dokumentacija jedne mjesne zajednice mogla uzeti u razmatranje za pružanje podrške u realizaciji projektnih aktivnosti, navedene projektne aktivnosti moraju biti u skladu s budžetom odobrenim Direktnim pozivom projekta „Jačanje uloge mjesnih zajednica u Bosni i Hercegovini (BiH)“ za finansiranje Operativnog/Akcionog plana.

Ukupna vrijednost za implementaciju Operativnog plana za lokalizaciju vizije mjesnih zajednica Brčko distrikta BiH i finansiranje prijedloga projekata svih 5 (pet) mjesnih zajednica je 23.400,00 KM (bez PDV-a). Iznos koji sufinansira JLS je 30%, odnosno 5.400,00 KM (bez PDV-a), a iznos koji sufinansira UNDP BiH je 70%, odnosno 18.000,00 KM (bez PDV-a).

4. Aplikanti i glavni nosilac projekta

Učešće u ovom pozivu usmjereno je na 5 (pet) mjesnih zajednica koje su kroz prijedloge projekata učestvovala u pripremi projekta za implementaciju Operativnog plana za lokalizaciju vizije mjesnih zajednica Brčko distrikta BiH i čine dio odobrenog projekta za finansiranje Operativnog/Akcionog plana u Direktnom pozivu projekta „Jačanje uloge mjesnih zajednica u Bosni i Hercegovini (BiH)“.

Glavni implementator, odnosno nosilac apliciranog projekta može biti isključivo Brčko distrikt Bosne i Hercegovine.

Brčko distrikt Bosne i Hercegovine će preuzeti implementaciju odabranih projektnih aktivnosti kroz sistem javnih nabavki.

5. Opći uslovi i eliminatorni kriteriji

Projektna dokumentacija treba da bude pripremljena u skladu sa zahtjevima i karakteristikama datim u aplikacionom paketu, uključujući i obrazac projektnog prijedloga i sve odgovarajuće priloge.

Eliminatorni kriteriji direktnog poziva su sljedeći:

- 1) Aktivnosti u okviru projekta se provode na području jedne od navedenih pet mjesnih zajednica;
- 2) Aktivnosti u okviru projekta za implementaciju Operativnog plana za lokalizaciju vizije mjesnih zajednica Brčko distrikta BiH i odobrenim projektom za finansiranje Operativnog/Akcionog plana;
- 3) Realizacija projekta ne traje duže od osam mjeseci;
- 4) Aktivnosti mjesne zajednice nemaju negativan uticaj na zaštitu okoline.

Neispunjavanje jednog ili više kriterija rezultira eliminacijom aplikacije iz daljnjeg procesa.

6. Neophodna dokumentacija

Administrativni preduslovi podrazumijevaju da mjesna zajednica dostavi sljedeću dokumentaciju:

1. Narativni opis realizacije projektnih aktivnosti (aneks I),
2. Izjavu (aneks II), ovjerenu u Odjeljenju za javni registar Vlade Brčko distrikta BiH,
3. Dodatnu dokumentaciju (ova dokumentacija je vrlo važan dio projektne aplikacije i treba biti kompletirana da bi prijedlog projekta mogao biti razmatran).

Dodatna dokumentacija treba da sadrži sljedeće:

- **kratko obrazloženje rukovodstva mjesne zajednice** o realizaciji aktivnosti,
- **uvjerenje** da porezni obveznik nema dospjelih, a neizmirenih poreznih obaveza ili sporazum zaključen s Poreznom upravom o odgođenom plaćanju neizmirenih poreznih obaveza udruženja, ne stariji od 3 mjeseca.

7. Gdje i kako preuzeti i poslati anekse

Neophodna dokumentacija i aneksi, po ovom pozivu, mogu se preuzeti od Odjeljenja za stručne i administrativne poslove Vlade Brčko distrikta Bosne i Hercegovine – Pododjeljenja za podršku MZ, NVO i UG na adresi: Trg pravde broj 18, u objektu Omladinskog centra Brčko. Sve informacije i elektronska verzija cijelog paketa prijave dokumentacije može se preuzeti na zvaničnoj web stranici Vlade Brčko distrikta BiH www.bdcentral.net.

Dokumentacija se dostavlja u jednom primjerku u štampanoj formi i u elektronskoj kopiji (CD ili USB) u zatvorenoj koverti s naznakom:

„Aplikacija na poziv za učešće mjesnim zajednicama u implementaciji projekata i projektnih aktivnosti predviđenih Operativnim planom za lokalizaciju vizije mjesnih zajednica Brčko distrikta BiH“, tokom radnih dana (ponedjeljak – petak), u periodu od 7.30 do 15.00 sati, šalter broj 9 na adresi:

Odjeljenje za stručne i administrativne poslove Vlade Brčko distrikta BiH
Bulevar mira broj 1, 76100 Brčko.

Rok za predaju projekata je 17. 10. 2023. godine do 15.00 sati. Nepotpune, nepravovremene i prijave podnesene od neovlaštenog lica neće biti uzete u razmatranje.

8. Dodatne informacije

Za dodatne informacije ili pojašnjenja možete se obratiti putem e-maila:

Amir Karamujić, koordinator projekta amir.karamujic@bdcentral.net,

Nebojša Jokić, nebojsa.jokic@bdcentral.net i

Petar Vrhovac, petar.vrhovac@bdcentral.net.

Pitanja se mogu postaviti do 10. 10. 2023. godine. Odgovori na upite će biti dostavljeni u pisanoj formi najkasnije tri dana od prijema upita.

9. Ocjena ispunjenosti kriterija

ELIMINATORNI I DODATNI KRITERIJI		
Aktivnosti u okviru projekta se provode na području jedne od navedenih pet mjesnih zajednica	DA	NE
Aktivnosti u okviru projekta su u skladu s prijedlogom mjesne zajednice za implementaciju Operativnog plana za lokalizaciju vizije mjesnih zajednica Brčko distrikta BiH i odobrenim projektom za finansiranje Operativnog/Akcionog plana	DA	NE
Budžetom Brčko distrikta BiH planirana su sredstva za sufinansiranje projekata međunarodnih organizacija	DA	NE
Realizacija aktivnosti ne traje duže od osam mjeseci	DA	NE
Aktivnosti mjesne zajednice nemaju negativan uticaj na zaštitu okoline	DA	NE
Narativni opis realizacije projektnih aktivnosti (aneks I)	DA	NE
Izjava (aneks II), ovjerena u Odjeljenju za javni registar Vlade Brčko distrikta BiH	DA	NE
Kratko obrazloženje rukovodstva mjesne zajednice o realizaciji aktivnosti	DA	NE
Uvjerenje da poreski obveznik nema dospjelih, a neizmirenih poreznih obaveza	DA	NE
NAPOMENA:		

10. Obavještenje o konačnoj odluci

Sve mjesne zajednice će putem koordinatora projekta biti obaviještene u pisanoj formi u roku od 15 radnih dana od dana zatvaranja poziva o odluci u vezi s ocjenom ispunjenosti kriterija. Informacije za svaku mjesnu zajednicu će biti poslone i elektronskim putem.

**Šef Odjeljenja za
stručne i administrativne poslove**

Senad Tufekčić, dipl. psiholog – pedagog

DOSTAVLJENO:

1. Naslovu,
2. Evidenciji,
3. Arhivi.